

LE PETIT
ANTI-HVGVENOT

A D R E S S E

A MESSIEURS DE LA RELIGION
P R E T E N D V E R E F O R M E E P O V R
leur faire voir l'inconstance & fauscté
de leur Religion.

Par le V. PERE ANGE DE RACONIS
Predicateur Capucin.



A P A R I S,
Chez ISAAC MESNIER, rue saint Jacques
au Chesne Vert.

Avec Prinilege du Roy, & Approbation des Docteurs

Extraict du Privilege du Roy.

PAR Lettres patentes du Roy, donnees à Paris le premier iour de Februrier 1618. signees par le Roy en son Conseil de la Lane, & sceellees en cire jaune sur simple queue. Il est permis au V. Pere Ange de Raconis, Predicateur de L'ordre des freres Capucins, faire Imprimer ses Liures par tel Imprimeur que bon luy semblera pour le terme de six ans entiers, & deffenses sont faictes à tous Libraires & Imprimeurs de s'y entremettre sur peine de confiscation desdits liures, de tous despēs, dommages & interests, & d'amande &c. Comme plus à plain est declaré esdites lettres.

Ledit V. Pere Ange de Raconis a permis à Isaac Mesnier Marchand Libraire en l'Université de Paris, de faire imprimer & mettre en vente le present liure intitulé *Le petit Anti Huguenot*, &c. suivant le privilege qu'il en a de sa Majesté, faict à Paris ce 3. de Feurier mil six cens dixhuiet.



LE PETIT
ANTI-HVGVENOT.

*Sujet de ce discours qui est de représenter
l'inconstance & faulseté de la Reli-
gion pretendue reformee.*

CHAP. I.

LA verité, qui porte tousiours
grauée sur le front l'Image du
Souuerain, est chose de loy si
plaisante & agreable, qu'estât mi-
se en son plein iour, elle ne peut
sinõ contenter & satisfaire tout esprit capable
de raison. Au contraire le mensonge (qui a
empraint sur le visage les marques & linea-
ments du Père d'iniquité) est si affreux & dif-
forme, que cõme enfant de la nuit il ne cher-
che sinon se rapir dans les tenebres d'une
ignorante passion, ou se perdre dans l'horreur
d'une aueuglee malice.

Ce petit discours seruira de falot & de gui-
de, aux ames qui retiennent quelq̃ue candeur
& ne se laissent tellement regenter aux appe-
tits d'une obstination desreglée, qu'ils ne don-
nent place aux puissantes sermones d'une

naïfue & iudicieufe verité.

Tout mon but, ne confifte (apres la gloire de Dieu qui doit tenir le premier rang es actions d'une ame religieufe,) fors representer vn petit eschantillon de l'inconstance & vanité de celle qui se pretend *Religion reformee*, afin que ceux qui s'y font par cy deuant, soit par simplicité ou ignorance, entretenus, (la croyants estre conforme à la parole de Dieu) soyent contraincts renoncet aux Docteurs plus qualifiez de ceste mesme Religion, (qui feroit tacitement renoncer à l'Escripture & à ceste loy d'estat prescrite par ce grand Apostre saint Paul au 4. chap. de son Epistre aux Ephes. *Que pour n'estre comme petits enfans demenez çà & là a tout vent de doctrine par la piperie des hommes, Dieu a mis en son Eglise des Vrays Pasteurs & Docteurs*; Auxquels nous devons recourir, ou aduoüer franchement que tant leurs Docteurs, que leur doctrine, portent empraint sur le front la marque d'heresie, faulseté, & chemin conduisant à perdition.

*Deffinition de ceste Religion Pretendue,
donnee par BeZe.*

CHAP. II.

OR afin d'alligner ce discours au niveau d'une droicte intelligence & poser vn fondement si stable & solide qu'il ne puisse estre esbranlé par les ruses, mines, ou presti-

ges d'un esprit vertigineux, il faut en premier lieu, selon les regles prescrites en toutes sciences) commencer la preuve de ceste proposition, par la cognoissance de ceste Religion qui se dict *Reformee*, & en puiser la definition chez elle mesme, & non l'emprunter de quelque Docteur Catholique, qui pourroit luy estre suspect.

A quoy nous favorisera ce qu'escript Beze, personnage des plus qualifiez; & qui pour ses travaux, peines & sueurs en la manutention de ce petit troupeau, merite bien que les Ministres d'a-present defferent quelque chose à la memoire de sa chenuë vieillesse, & docte capacité, avec laquelle il a si longuement gouverné l'Eglise de Geneue, apres le decez de Calvin.

Cestuy cy donc nous servira d'Atlas, portant le Ciel de ceste pretendue Reformee, dont voicy la definition qu'il prescrit en son Epistre 1. Theologique Latine de l'impression d'Eustache Vignon à Geneue, mil cinq cens septante cinq, pag. 5. lig. 31. *Te desfiny nos Eglises (dit-il) estre celles là de qui la confession publique est mise au iour, dont i'en trouue trois Vniuerselles mises en lumiere de nostre temps L'VNE EST D'A O V S B O V R G (c'est à dire la Lutherienne) L'A V T R E L A S V I S S E, (c'est à dire la Zuinglienne) à laquelle nous auons icy (sçavoir est à Geneue) subscript, & les Escossois qui sont au bout du monde; La troisieme EST L A F R A N Ç O I S E (c'est à dire celle que les Ministres de France ont signé, auant qu'estre admis à leur pre-*

tēdu Ministère) & à la p. 8. lig. 7. *Nous reconnos-*
sons en la confession d' Aoufbourg, LA DOCTRINE
ESTRE PROPHETIQUE ET APOS-
TOLIQUE. Et en la lig. 27. de la mesme pag.
 8. Bezèrend raison de ce que ces trois confes-
 sions ne font qu'une Eglise : CAR NOUS
 TOUS AMASSONS AVEC CHRIST (dit-
 il) ET SOMMES D'ACCORD EN CE QUI
 EST DE LA CHOSE MESME, *bien que soyons*
encor differents, ou en la maniere d'enseigner, ou en
quelque peu de chose, LE FONDEMENT TOU-
TEFOIS DEMEURANT, SAIN ET SAVF.
 Voyla pourquoy en la pag. 37. lig. 26. & pag.
 43. lig. 22. Il recognoist les Lutheriens, *pour*
freres de mesme Religion.

Quelle est la fraternité de ces freres, prote-
stants mesme Reformation.

CHAPITRE. III.

OR combien est ceste fraternité remplie
 de feintize & de fauseté, on le peut ap-
 prendre d'un de leurs confreres nommé
 Conrad Schlusfelburgius, surintendāt du Dio-
 cese de Racebourg, & l'un des plus doctes en-
 tre les Lutheriens : Cetuy-cy à composé 3.
 liures DE LA THEOLOGIE DES CAL-
 VINISTES, esquels il desaduouē Beze, le
 liure est imprimé à Franc-fort par Iehan
 Spiez l'an 1594. Vous trouuerrez au liure.
 3. un Article exprez qui est le 6. couché en ces

mots. Les Calvinistes nous tiennent pour freres, qu'ils condamnent toutefois pour heretiques, & desirerent de s'associer avec nous, qu'ils poursuivent cependant, avec tant de rage & fureur.

Voyez ce qu'escriuent sur ce sujet tous les Lutheriens d'Vvitemberg en corps, qui tiennent le mesme rang en ce party desuoyé, que parmy nous, les Docteurs de la Sorbonne. Ceux là respondants au liure intitulé, *Consentement Orthodoxe*, composé par les Zuingliens, & Calvinistes, ont dōné pour tiltre à leur response ces mots. *Solide confutation de la cōpilation Zuinglienne & Calvinienne, qu'ils ont appellé Consentement Orthodoxe*, est imprimé à Tubinge in fol. par George Gruppenbach 1584. pag. 49. de la Refutation de la preface Apologetique, où ils font assez paroistre les traits de ceste discordante fraternité quand ils escriuent ces mots. *Mais avec quel front (disent-ils) maintenant nous offrez vous derechef la paix & l'Amitié, que vous avez souvent requise de nous, & en qu'en vos escripts publics & sur tout en cestuy vostre consentement, Cachodoxe, vous portez tesmoignage & nous accusez deuant toute l'Eglise de Dieu. QUE NOUS RAPPELLONS DES ENFERS ET DEFFENDONS TOU- TES LES HERESIES IADIS CON- DAMNEES, DES MARCIONITES, MANIHEENS, NESTORIENS, ARIENS, MONOTHELITES, ET SUR TOU- T DES VITICHIENS. l'Eglise Orthodoxe, à elle offrera paix & amitié aux susmentionnez heretiques seuerants en leur erreur ? Constatment donc as- surens nous derechef, que ces compilateurs sont en*

leurs cœurs non seulement incertains & douteux de leur doctrine; MAIS AVSSY QUE LE DIA-
BLE PAR L'ENTREMISE D'ICEUX se mo-
que manifestement de nous & de l'Eglise de Christ.
AVSQUELS NOVS N'OFFRONS NVLE
PAIX NY AMITIÉ TANDIS QVILS
DEFFENDRONT OBSTINEMENT
LEURS ERREURS HORRIBLES ET
ABOMINABLES; MAIS NOVS TESMOI-
GNONS DEVANT DIEV ET SON EGLI-
SE, QVILS SONT HERETIQUES DAM-
NEZ ET LES TENONS POUR TELS.
Entendez vous messieurs les Calvinistes l'ar-
rest que prononcent vos confreres les Luthé-
riens, & en quelle qualité ils veulent que nous
vous tenions, & puis est-ce la ceste belle frater-
nité qui paroist en vostre Religion a trois
visages?

Quant à ce qu'ils nous proposent (adjoustant ces
Lutheriens) l'exemple de David pour l'ensuyvre, le-
quel est un serviteur selon le Cœur de Dieu, n'a eu
honte de dire de soy mesme estoys pacifique avec ceux
qui haïssoient la paix. Les compilateurs n'ignorent
pas que le Roy ne parle la sinon de ce qui touche les af-
faires politiques. Car quant au faict de la Religion,
Nous leur mettons semblablement en aduant ce qu'il
dit au Psal. I. Bien heureuse est la personne qui n'est
assise en la chaire des moqueurs. Item ie ne me suis assis
avec le conseil de vanité, & n'entreray point avec ceux
qui trament choses iniques. J'ay bay l'Eglise de ceux
qui se portent avec malignité, & ne m'assieray
avec les impies; item ne haïssoys-je pas Seigneur
ceux qui se haïssoient & ne me courrouçoy-je
pas

5
 as contre tes ennemys? CERTES ie les hayssois
 d'une hayne parfaite. En mesme façon, voulons
 nous ausy estre pacifiques avec eux: de sorte qu'ils ne
 doyuēt craindre, que nous n'ayons d'aucune force
 en leur endroit, plustost sommes nous aparillez de
 leur rendre tous les deuoirs d'humanité que Christ
 comande estre pratiquez enuers l'ennemy (n'otez qu'ils
 tiēnēt pour ennemis ceux que Beze nōme freres)
 Mais quant a leur doctrine (adioustēt-ils) nous la
 detestons autant que faire se peut. Et ceux la ne doy-
 uent estre tenus pour perturbateurs qui chas-
 sent les loups du bercail; Si bien que voyla les
 Lutheriens qui tiennent les Calvinistes pour
 loups, d'où s'ensuyt que nous les deuons tous
 fuir pour obeyr à Iesus Christ en S. Mathieu 7.
 Qui nous commande de prendre garde a ces
 faux prophetes qui viennent à nous en veste-
 ments de brebis, (faisants mine de n'alleguer
 que la pure parole de Dieu) mais au dedans
 sont loups rauissants. Ains ceux la (poursuyuent
 les Lutheriens) sont faux docteurs qui par leur doc-
 trine peruerse excitent troubles en l'Eglise, lesquels
 on ne doit espargner si nous ne voulons que le
 Prophete nous reproche que sommes des chiens
 muets qui ne scauent aboyer. Et nul ne pourra
 avec equité nous commander ou imposer silence
 contre les parolles expressees de l'Apostre quand il
 dit: Car il y en a plusieurs desobeissants, babillards
 de choses vaines, & seducteurs, ceus sur tout qui
 sont de la circoncision, lesquels il faut redar-
 guer, qui renuersent ou subuertissent des maisons toutes
 entieres, Enseignant ce qu'il ne faut pas pour un lu-
 cre sale & desbonnesté. Quelqu'un d'entre eux a dict

qui est vn de leurs Prophetes, Les Cretois, sont tousiours menteurs, mauuaises bestes, Ventres paresseux, ce resmoignage est vray, parquoy reprend les seuerement.

C'est ainsi que ces freres Lutheriens, sçauent bien appliquer a messieurs leurs confreres les Caluinistes des passages clairs & formels de la parole de Dieu pour les condamner pour heretiques & menteurs, Et voila vn eschantillon de la fraternité de ceste Religieuse Reformation ou Religion pretendue reformee,

Sur ce que Beze dit recognoistre en la Confession d'Aougsbourg la Doctrinne Prophetique & Apostolique.

CHAPITRE. IIII.

QVant a ce que Beze vient de dire que luy & ses freres recognoissent en la confession d'Aougsbourg la doctrine prophetique & Apostolique, Cet Autheur Schlussemburgius au deuxiesme liure faiet vn article expres qui est le treziesme au feuillet cent quarante vers. fac. tout au commencement vsant de ces mots. *Les opinions & iugemens des Caluinistes sont fort diuers touchant la confession d'Aougsbourg. Et quatriesmes lignes apres. Calvin (dit-il) en la seconde deffence contre Vespbal page cin-*

quant quatre assure qu'il souscrit aux paroles de
 la confession d'Augsbourg, Mais non pas au sens:
 il crie que Melanthon faict pour luy mais il rejette
 tout a plat la sentence de Luther: ie coucheray icy
 les paroles mesmes de Calvin; ie souz-cry aux pa-
 roles de la confession d'Augsbourg. Quant au sens
 parce que Vespthal n'est pas iuge competent. A qui
 en appelleray-je plustost qu'a l'Auteur mesme (qui
 est Melanthon,) lequel s'il declare par un petit
 mot que ie gauchisse tant soit peu de son opinion,
 soudain ie desisteray. (Tellement que voila Cal-
 uin si fort attaché non a la parole de Dieu,
 mais à l'inconstante opinion de cet Allemand,
 qu'il est prest de tout quitter, & changer sa
 iacquette au moindre branle que fera, ou si-
 gne que luy donera Melanthon: Et puis dictes
 si ces messieurs sont bien assurez en leur croy-
 ance. Plustost si ces premiers ministres n'ont
 pas esté comme Girouettes pour se tourner
 à tout vent) C'est autre chose de Luther (pour-
 suit Calvin) ex paroles duquel j'ay tousiours fran-
 chement déclaré ce que ie desirois, tant s'en faut
 que ie m'y sois astreint ou lié. Voila ce que dit
 Calvin, surquoy adjouste Schusselburgius.
 Que l'on remarque (dit-il) l'impieté diabolique
 & du tout à desister de Calvin, en la souscrip-
 tion à la Confession d'Augsbourg. Et tant au
 feuil. cent quarant vn a lig. dixiesme com-
 me au feuil. cent quarante trois vers. fac
 lig. troisieme. Ce Lutherien rapportera de
 l'auteur des commentaires des affaires de
 France (liur. troisieme pag. 312. 313. la-
 tin) Que le Cardinal de Lorraine au nom du Roy

Et des autres Principaux du Royaume presenta (au
 colloque de Poissy) à Beze, Pierre, Martyr Mar-
 lorat, & autres sacramentaires, là assemblez l'ar-
 ticle dixiesme de la confession d'Augsbourg, re-
 querant d'eux, qu'ils eussent a y soubssigner, au-
 trement ny auoir esperance de passer outre n'y s'ac-
 corder en ce Colloque, Car voicy les paroles qu'il
 tint à ce Cardinal, à Beze & à ses compagnons:
 s'ouscruez à ceste chose scauoir est a cest article
 dixiesme de la Confession autrement nous ne passe-
 rons outre. LORS BEZE RESPONDIT AV
 NOM, (TANT DE SOY QUE DE SES
 AVTRES COMPAGNONS) QV'IL NE
 POVVOIT NY NE VOULOIT EN FACON
 DV MONDE FAIRE CELA: ET AINSI
 LES CALVINISTES INCREDVLES
 CONDAMNERENT EN CE COLLOQUE
 L'ARTICLE DIXIESME DE LA CON-
 FESSION D'AOUGSBOVR. Remarquez icy
 (poursuit ce Lutherien) l'Esprit des Caluinistes
 fort accordans à soy m'sme. Car Calvin escriuint
 à Vespbal, De laqu^e, Les sacramentaires de Hei-
 delberg, & autres, en appellent à la Confession
 d'Augsbourg, Ici vous voiez que Beze, Pierre,
 Martyr, & leurs adjoinctz la repudient. Et moy
 i'adiousteray, pour mieux insinuer ceste in-
 constance de Beze, que puis qu'il nous a dit
 n'agueres (parlant au nom de tous messieurs
 les Religionaires) que la Confession d'A-
 ugsbourg est par luy & par les autres Cal-
 uinistes aduouee contenir vne doctrine pro-
 phetique & Apostolique, donc il s'ensuit
 que luy avec ses adherans ont condamné a

13

Poissi vne doctrine prophetique & Aposto-
lique, voire par son propre iugement, C'est
ainsi que le mensonge s'enferme & se de-
struict sans y penser.

*Que la Doctrine des Calvinistes sur la
Cene a esté cōdamnee pour heretique par
la Confession d'Aougsbourg.*

C H A P. V.

OR qu'en ceste Confession d'Aougs-
bourg (qui est celle des Lutheriens) les
Sacramentaires Calvinistes ayent esté con-
damnez pour Heretiques le monstre cet Au-
theur Conradus Schlussemburgius au mesme
article fueillet cent quarante huiet, Ioachim
Curec (qui est vn Ministre Calviniste) en son
Exegese fueillet soixante deux & soixante trois,
Assure tres-impudemment que les Sacramentaires
ne se departent en façon du monde de la Confession
d'Aougsbourg. Mais qu'ils sont Citoyens de ces Eglis-
ses là où retentit ladiète Confession. Et le mesme au
fueillet cent cinquante six, dict qu'en la Confession
d'Aougsbourg presentee l'an mil cinq cens trente,
à l'Empereur Charles le Quint, les Zuingliens ne
sont pas condamnez par ceste Antisheze (**E T**
IMPROBANT SECUSDOCENTES) c'est
à dire & improuuent ceux qui enseignent autrement.

Ainsi ceux-là tant seulement sont notez ou des-
 gnez qui s'imaginent qu'en la Cene est faicte la re-
 presentation de Christ absent, & que la Cene est
 tant seulement une marque de la profession de foy
 & ne profite à la confirmation de ladite foy; & au
 mesme lieu adiouste ce discoureur, que luy aussi les
 condamne (Cet auteur met en la marge Menda-
 cium: C'est à dire mensonge, & poursuit en
 ces mots) DONC CVREURS CONFESSE
 Icy DEVANT TOVTE L'EGLISE DE
 IESVS-CHRIST, QUE LES ZVIN-
 GLIENS EN LA CENE DV SEIGNEVR
 IMAGINENT SEVLEMENT VNE RE-
 PRESENTATION DE CHRIST AB-
 SENT. QUE LA CENE DV SEIGNEVR
 EST SEVLEMENT VNE MARQUE DE
 LA PROFESSION, QUE LA CENE DV
 SEIGNEVR NE PROFITE A LA CON-
 FIRMATION DE LA FOY. DONC EN
 CET ENDROIT CVREURS EN LA PRE-
 SENCE DE TOVTE L'EGLISE DE
 DIEV CONDAMNE LES ZVINGLIENS.
 CAR PAR CESTE ANTITHESSE (&
improbant secus docentes) ET IMPROV-
 VENT CEVX QVI ENSEIGNENT AV-
 TREMENT. C'EST CHOSE NOTOIRE
 (Dressiez les oreilles Ministres pour enten-
 dre l'Arrest de nostre absolution; ensemble
 celuy de vostre condamnation par vos Do-
 cteurs propres) QUE NY LES PAPISTES
 N'ONT ESTE CONDAMNEZ NY AV-
 TRES HOMMES QUELS QV'ILS
 SOYENT: MAIS IPSISIMOS SACRA-

MENTARIOS (pour vser des termes de
 ce Lutherien) Les Sacramentaires, eux mes-
 mes en personne, comme Carostard, Zuingle,
 Decolampade, Bucer, Blauuer, ceux de Zurich, &
 tous les autres qui maintiennent la croyance de
 Zuingle, ONT ESTE CONDAMNEZ COM-
 ME C'EST CHOSE CERTAINE PAR
 L'HISTOIRE TANT DE SELIDAN
 QUE DE LAVATÈRVS.

Lesquels deux historiens sont Calvinistes
 & ne peuuent estre refusez, cet Auteur ren-
 uoye en marge au lib. 7. de Sleidan feuil. 114.
 115. & ailleurs, & Lauaterus pag. 18. & 19. de
 son histoire Sacramentaire imprimee à Zu-
 rich par Froschouer. Surquoy nous pouuons
 bastir ce Syllogisme.

*Aucuns Sillogismes condamnans la do-
 ctrine & Docteurs Calvinistes
 pour Heretiques, & en voye
 de perdition.*

CHAP. VI.

Toute doctrine condamnée pour heretiques par
 Vne confession en laquelle on dit y recognoi-

estre la Doctrine estre Prophetique, & Apostolique
doibt par les autres Chrestiens estre tenue pour
heretique & ceux qui la suyuent en estat de dam-
nation.

Or la doctrine des Calvinistes touchant la Ce-
ne à esté condamnée pour heretique par la Confes-
sion d'Augsbourg, que Beze, non comme Do-
cteur particulier, ains au nom de tous son party,
dit les pretenduz reformez y recognoistre la Doctri-
ne Prophetique, & Apostolique, Donc la Doctri-
ne des Calvinistes touchant la Cene du Seigneur
doibt par les autres Chrestiens estre tenue pour he-
retique & ceux qui la suyuent en estat de dam-
nation.

La Maieure ou premiere proposition est
tres certaine, puisque la vraye Religion
estant suredifiée sur le fondement des Pro-
phetes & Apostres comme dict Sainct Paul
aux Ephes. ch. 2. 20. *Que nous sommes surediffiez*
Sur le fondement des Prophetes, & Apo-
stres, il s'ensuit que toute crbyance qui
repugne à la doctrine Prophetique, & Apo-
stolique est faulse, hereticque, & capable
d'envelopper ceux qui la suiuent en éter-
nelle damnation.

Q V A N T à la Mineure ou seconde pro-
position qui contient deux membres, l'un
que la doctrine des Calvinistes sur la Cene
ayt esté condamnée pour Hereticque, par
la confession d'Aousbourg, les parolles,
tant de l'article dixiesme, fust allegué com-
me des Lutheriens en font foy : L'autre,
que les pretendus reformés recognoissent

9
En la Confession d'Ausbourg la doctrine estre
Prophetique & Apostolique, Les paroles de
Beze y sont formelles disant, au nom de tous
ceux de la Religion: *Nous recognoissons en la
Confession d'Ausbourg la doctrine estre Propheti-
que & Apostolique.*

Et si quelque Ministre ou autre Huguenot
est si temeraire, que de rejeter l'attestation de
Beze en ce faict, il tombera de siebure en chaud
mal; & viendra luy-mesme se rendre pieds &
mains liés à la mercy de la verité; attendu qu'
outre que mon but est le cōtraindre de renon-
cer ses Docteurs plus celebres, & principes de
sa Religion, ou par sa Religion mesme, prou-
uer qu'il est heretique & en estat de damna-
tion: Il doit inferer de la maniere de pro-
céder de ses Docteurs, qu'ils sont faux Pro-
phetes, & non vrais ni legitimes Pasteurs, at-
tendu qu'ils protestent par escrits publics re-
cognoistre pour doctrine Prophetique & Apo-
stolique; vne confession qui la condamne
pour heretiques; & vne Religion si mal fondée
ne merite-elle pas qu'on l'abandonne, comme
contraire à l'Ecriture, n'ayans pour chef que
des aueugles, qui conduisent autres aueugles
dans la fosse d'erreur, & precipice de toute im-
pieté?

*Autre syllogisme condamnant les pretendus
Reformez*

Outre plus est rembarré ce qu'adiouste Be-
ze. *Qu'eux tous qui sont en aucunes de ses Eglises;
tant Luteriennes, Zuingliennes, que Calvinistes
amassent avec Christ, & sont d'accord en la chose*

mesme. Car l'on ne peut dire ceux-là amasser avec
Jesus-Christ ni estre d'accord au fondement d'une
saine doctrine qui s'entr'appellent & condamnent
mutuellement pour heretiques incredulés, loups rai-
uissants, & damnez eternellement.

Or les Docteurs de ceste Religion protestante
(que Beze desinit par celle qui embrasse ces
trois Confessions d'Ausbourg, de Suisse, & de
Geneue,) s'entr'appellent & condamnent mutuel-
lement pour heretiques, incredulés, loups rai-
uissants & damnez eternellement.

Doit il s'ensuit que l'on ne peut dire que les do-
cteurs de ceste Religion protestante amasser avec
Jesus-Christ, ni estre d'accord au fondement d'une
saine doctrine.

La majeure est tres-certaine, sinon que l'on
voulut faire symbolizer & loger sous mesme
toict, la verité & le mensonge, les tenebres &
la lumiere, Iesus-Christ & Belial : A quoy re-
clame S. Paul en sa 2. aux Corinthiens chap. 6.
vers. 15. *Quelle participation y a-il (dit-il) de in-
stice avec iniquité, & qu'elle communication y a-il
de la lumiere avec les tenebres ? Et quel accord y a-
il de Christ avec Belial ?*

Pour la mineure, i'en ay donné bone preu-
ue assez ample & peremptoire cy dessus, & vou-
loir la mettre en doute, est autant comme nier
que le feu brule, ou que le Soleil luise en plain
midy, veu que par les escrits tant particuliers,
comme publics des Luthetiens contre les Cal-
uinistes, & de ceux-cy contre ceux-là, à peine
trouuerez-vous vne page, où ne paroisse quel-
que traict de ceste sanglante entremangerie &

cruelle diuifion: Iufques-là que les Lutheriës
 (qui n'ont l'ame teinte de tant de duplicité)
 nomment ordinairement, ainfi que verrez tan-
 toft, **CONCILIATEURS DE CHRIST**
AVEC BELIAL, ceux qui penferoyent venir
 à bout de pacifier les differents qui font entre
 les Caluiniftes & eux en matiere de Religion.
 Et ainfi avec non moins de faulseté & menfon-
 ge, qu'avec finesse & palliation Beze veut faire
 accroire aux fimples de fon petit troupeau, que
 ces trois sectes proteftans Reformation, de Lu-
 theriens, Caluiniftes, & Zuingliens, font bien
 d'accord en ce qui eft de la chofe mēme.

Que fi aucun penfe fuyr par cefte porte de
 derriere, qu'il ne fe foucie ni de Beze ni de Cal-
 uin, ni de pas vn Docteur de la Religion, ains
 ne veut s'arrefter qu'en la pure parole de Dieu:
 moy-mefme iel'arrefteray par deux ou trois en-
 traues, qui l'empescheront de courir loin, &
 feront voir aux ames, à qui le Dieu de ce fiēcle
 n'a jetté trop de pouffiere de refpects mōdains,
 ou cailloux d'obftination és yeux de l'efprit,
 combien eft honteufe fa fuite & vaine fon eua-
 fion.

En premier lieu, ie demande qu'il nous die
 s'il eft membre de cefte Religion qui fe pretend
 reformée en France, ou non; S'il dit que non, ce
 n'eft pas contre luy que ie pretends agir, & par-
 tant n'a que faire de fe mefler d'une chofe en la-
 quelle il eft hors d'intereft. S'il s'en aduoüe pour
 membre; il faut ou qu'il cognoiffe & ſçache en
 verité qu'eft ce que cefte Religion qui fe pre-
 tend reformée, ou il ne le ſçait pas; Si le dernier

& qu'il ne la cognoisse pas, n'est-ce pas à luy
vne extreme impudence de vouloir soustenir
& prendre la cause en main d'un parti qu'il ig-
nore & ne sçait seulement qu'est ce que la Reli-
gion. S'il dict le premier & qu'il en ayt vne par-
faicte cognoissance, il faut de necessité qu'il ayt
acquis cette cognoissance par la mesme voye
qu'ont faict ses Docteurs plus celebres, comme
Beze, & Calvin, ou bien qu'il aye trouue quel-
que autre voye en termes expres dans l'Escri-
ture sainte qui luy definisse ceste sienne Eglise,
& la distingue des autres sectes, laquelle ayt esté
incogneuë audit Calvin & Beze; S'il dict le pre-
mier n'auoir point d'autre voye ny maniere de
la cognoistre que celle par laquelle ses Docteurs
plus celebres l'ont cogneuë, il faut donc de ne-
cessité qu'il tombe d'accord avec eux en la me-
me definition qu'ils donnent à ladicte Religion,
tellement que puisque Beze la definit par les
3. Confessions D'augsbourg, de Suisse, & de
France, il doit necessairement y acquiescer. S'il
dict ceste definition là n'estre valable ains en
auoir trouué vne autre dans ces diuines pan-
chartes, le le supplie tres-humblement nous la
produire : Mais de telle qualité que ny les Lu-
theriens, ny les Zuingliens, ny les Anabaptistes,
ne puissent se l'attribuer : Et doit nous la faire
voir non pas des consequences pretenduës ne-
cessaires : Car quand Beze escriuoit à ce Polo-
nois duditius, ceste Epistre qu'il nomme Theo-
logicque, cōme tirée de la pure parole de Dieu,
& laquelle il à mise à la teste de toutes les autres
pour releuer le scrupule qui bourreloit la con-

21
science de ce sien confrere, & Ministre, à raison
des grandes entremangeries qu'il voyoit en cette
Religion à trois faces, Beze dit-je, luy en donnant
la definition, à prétendu faire cela conformément
à la parole de Dieu; si non que l'on
voulust attribuer à Beze plus grands cruautés
enuers ce sien confrere ou fils spirituel, que le
pere plus cruel & desnature enuers son fils naturel,
de donner au lieu du pain de la parole de Dieu
(en la definition de la vraye Eglise,) la pierre d'une faulx doctrine, ou le serpent d'un
mortifere poison. Il faut donc que cestuy-cy
nous publie une autre definition de ceste Eglise,
qui se dit reformée couchée en termes express
dans l'Ecriture sainte: a faulte de quoy il
monstrera que ce n'est sur l'Ecriture sainte qu'il
fonde la religion ains sur sa propre caprice, qu'il
tasche d'agencer & parer du manteau de parole
de Dieu; bien qu'en effect elle n'aye pour baze
& appuy que sa propre fantasie.

Finalemēt i'adjouste pour clorre le bec a
cet esprit auertain queluy mesme sans y penser
s'enveloppe en deux notables fautes & se met
le cousteau dans la gorge: l'une est faisant semblant
d'honorer l'Ecriture au desauē de ses
propres Docteurs, c'est tacitement la rejeter,
puis qu'elle nous renuoye par la bouche de S.
Paul au 4. des Ephesiens aux vrayes Docteurs
pour n'estre comme petits enfans demenez çà
& là a tout vent de doctrine par la piperie des
hommes.

L'autre est, de me donner gain de cause, puis
que mon but par ce petit traicté n'est si non for-

cet tout huguenot à renoncer sa Religion, & Docteurs plus celebres. Sçauroit-on reduire vne personne à Calamité plus extreme, veu que la nature mesme desnye, & la Philosophie defend de disputer contre vn qui nye ses principes, & que sçauoit-on obtenir victoire plus signalée que de penser son ennemy de part en part, avec son propre glaue?

Que le different entre les Lutheriens & Calvinistes n'est en matiere de peu d'importance (comme dit Beze) ains au fondement de la Foy, & ce en plusieurs Chefs.

CHAP. VII.

Quant à ce que Beze adjouste, qu'ils peuvent bien estre differents, *Ou quant à la maniere d'enseigner, ou en choses de peu d'importance, mais que le fondement demeure en son entier.*

Cela est desmenty par tous les Lutheriens en corps qui protestent estre discordants des Calvinistes *es pointz fondamentaux de la Religion.* Je n'en produiray qu'un seul tesmoing qui seruira d'eschantillon, parce qu'il ne se diét comme personne priuée, ains au nom de Luther & autres Lutheriens: C'est ce Conradus Schusselburgius en sa preface Apologique *pour la defence du liure de la Concorde*, premise à son liure premier de la Theologie de Calvin pag. 8. lig. 6. *Aucuns (dit-il) conciliateurs de Christ & belial, Voyez comme il nomme ceux qui se veu-*

12
ne meller d'appointer les differents qui sont
entre les Lutheriens, & Calvinistes, cōme vou-
ant dire qu'il y a aussi peu moyen de les accor-
der, que le Diable avec Iesus-Christ, Obiectent
que le differend de la Cene du Seigneur entre les Lu-
theriens & Calvinistes est de peu d'importance; &
une vaine Logomachie (ou debat de paroles) &
que pour cela les Calvinistes ne doyent ni ne peuent
estre condamnez (& vn peu apres,) Mais le di-
uin ou docteur Luther, & les docteurs de nos Eglises,
tesmoignent que ce debat EST DV FONDE-
MENT, ET LA CHOSE MESME PAR-
E ASSEZ DE SOY, car nous combattons
avec les blasphemateurs, & incredulcs Calvinistes,
voyez les beaux epithetes de ces freres en
Christ) touchant la verité des paroles, de Iesus-
Christ, de la toute puissance de Dieu eternal, de la ve-
rité de l'humaine nature en Christ, de la Majeste de
la chair de Iesus-Christ, du Testament estably par
le Fils de Dieu, de l'Ascension de Christ au Ciel, de
la presence de Iesus-Christ en l'Eglise & en la sacrée
Ene, de la session de Christ en la dextre du Pere.
Certainement ces controuerses là ne sont pas de petite
importance: voire les Sacramentaires eux mesmes
s'apprez de l'esprit de vertige; ou tourne-teste &
aveuglement, sont par fois contrains de confesser,
que ceste dispute appartient au fondement; Car ainsi
dit Ioachin Curée en son Exegese pag. 91. Vrayement
la Controuerse entre les Lutheriens & nous, est du
fondement: A sçauoir, de deux articles de foy, le pre-
mier qui enseigne qu'en Christ les deux Natures sont
unies, le deuxiesme touchant l'article, Est monte au
ciel, cecy dit Carens.

Et apres ceste preface a la pag. 34. Il met vñ Cataloguë des principaux chets de Doctrine, en quoy il taxe les Calvinistes d'erreur jufques au nombre de plus de vingt, & dit tout au commencement de son Proëfme, *Que ſi le grand iour du Seigneur ny interuient pour vider le different & mettre le hola entre les Lutheriens, Calvin. & Zuini ſuccumberont & ſ'entredefferont pluſtoſt par n'â- ures mutuelles, que non pas par l'oppreſſion des Papistes.* Il faudroit des volumes plus gros que des Calepins, pour representer ceste sanglante tragedie de cest infortuné trium virat, & Eglise de trois Colomnes comme Beze nous la d'e- ſcript.

*Condémnation de ceste Eglise pretenduë reformée
en France, par son principal Architeſte &
fôdateur qui eſt Luther.*

CHAP. VIII.

FAiſons maintenant renuerſer, cette Eglise pretenduë reformée de France par ſon propre fôdateur qui eſt Luther, lequel avec les autres Allemans l'a fondée ainſi qu'eſſeſſe Calvin; en ſes Opusculs Françoises recueillies par Beze; & imprimées à Geneue par Baptiſte Pignereul 1566. à la pag. 507. lig. 34. *Dieu (dit-il) a ſuſcité Luther & les autres que nous ont eſclairé par leur doctrine, pour trouuer la voye de ſalut.* Tellement que voila Luther & autres Lutheriens Allemans, de qui Calvin & les Miniſtres d'a-
preſent

13
resent ont emprunté tout ce qu'ils ont de con-
noissance & clarté pour trouuer la voye de sa-
nt;) Et qui ont fondé (notez ce mot *fonder*, pour
nieux discerner le fondement de ce branlant
difice,) & instruit: (Voyez de quelle pædago-
ie & institution despend celle qui se dict refor-
mee:) Nos Eglises, par leurs predications. Tellement
qu'entté les principaux fondateurs de ceste Re-
gion pretendue, Luther emporte le premier
rang ainsi que verrez tantost que Beze le nôme
estaurateur de la Religion Chrestienne: Mais quel
arrest à donné, & quel iugement à faict ce fon-
dateur des Huguenots, Caluinistes ou Sacramen-
taires, pour nous estre vn preiugé de l'estime en
laquelle nous deuons tenir leur Religion? Car
il est ainsi (selon le dire des Iurisconsultes) qu'a
celuy appartient de casser & enfreindre vne loy qui la
establie: Ou si celuy mesme qui l'a establee l'éfraint
bon droict on la doit tenir pour inualidée &
compue. Voyons par ce fondateur Luther, quel
iugement il faict faire de ce party desuoyé.

Lauaterus ministre Zuinglien ou Caluini-
ste, nous en dira des nouuelles, lequel en son hi-
stoire sacramentaire de la Cene du Seigneur, im-
primée à Zurich par Christophle Froschouer
1563. fucillet 33. à lig. 23. dit que l'an 1545. Luther
mit au iour ses Theses contre les Theologiens de Louvain
en la Theze 27. il dit. Nous tenons à bon escient pour
heretiques & estrangez de l'Eglise de Dieu les Zuin-
gliens, & tous les sacramentaires qui nient que le Corps
& Sang de Christ soyent receus par la bouche corporelle
e, au venerable sacrement de l'Eucharistie.

Voyla les propres parolles de celuy qui a fondé

& instruit (comme vous vient de Dire Calvin,) les Eglises pretédues reformees; r'apportees par vn fidelle tesmoing, à sçauoir Lauathere ministre de mesme religion.

*Contre ce qu'un Ministre voudroit s'imaginer
que Luther eust reuocqué cest Arrest
condamnant le Calvinisme.*

CHAPPITRE IX.

SI quelque Ministre pensoit pour ietter de la Spoussiere és yeux des simples soustenir que Luther eust auant sa mort retracté cet arrest, Pour antidote lisez l'article II. du 3. liu. de la Theologie des Calui. de Schlussembourg, là il fait vn article expres: *Touchant la foy constante de Luther sur la Cene*, où il prouue comme iceluy iusques au tombeau a condamné les Calvinistes & autres Sacramentaires pour heretiques & damnez eternellement. Voicy les propres paroles qu'il recite de Luther extraictes, *De sa petite confession de la Cene du Seigneur* Tom. 8. Allemand imprimé à IENE, Moy (Luther) ayant ia presque vn pied dans le Sepulchre, remporteray deuant le tribunal de mon Seigneur & tres-cher Sauueur Iesus-Christ; ce tesmoignage & ceste gloire que i'ay condamné & fuy de tout mon cœur les endiablez ennemis du Sacrement CAROLSTAD, ZVINGLE, OECOLAMP. STENCKFELD & leurs disciples, soit qu'ilz demeurent à Zurich, ou en quelque autre lieu que ce puisse estre. Et ce suiuant le commandement don-

par S. Paul au 2. chap. 3. de Tite: Fuy l'heretique
pres la premiere & seconde admonition, sachât qu'un
est subuerti, & peche estant condamné par son propre
iugement: ils ont esté assez souuent & assez seuerement
admonnestez par moy & plusieurs autres. Les
liures en sont publiquement imprimez, & tous les iours
des presches de tout-tant que nous sommes de Lutheriens
ont dressez contre leur **BLASPHEMANTE &
MENSONGERE HERESIE**. Ce qu'eux mesmes
n'ignorent pas &c. Comme ainsi soit donc que tant
& si grand nombre d'aduertissemens & exhortations
miènes soiēt pour neant & frustratoires en leur endroit,
car il y a plus de dix sept ans que mes escripts sont mis au
iour. Voyla pourquoy ie les quitteray la comme estants
condamnez par leur propre iugement: comme ceux qui
sciemment & petulemment veulent estre damnez, &
n'auray aucune amitiē avec eux, ny par lettres ny par
escripts, ny de paroles ny de faict, comme le seigneur me
le commande en S. Matth. 18. soit qu'ils s'appelle Stenck-
feld ou Zuingle, ou de quelque autre nom que ce soit:
car ie les mets tous soit une mesme masse, quiconque
soient ilz qui ne veulent pas croire que le pain du Sei-
gneur en la Cene est le vray & naturel corps d'iceuy,
que l'impie comme Iudas reçoit aussi biē avec sa bouche
que S. Pierre & tous les saincts. Quiconque dis-je ne
veut souscrire à ces mots, que celuy-la me laisse en paix,
soit par lettres, ou escripts, ou parolles, & n'espere aucu-
ne, communication avec moy. Je ne me compor-
teray pas autrement que cela. Le mesme Luther au
Sermon de l'Eucharistie qui est au Tome 7. de
ses œures imprimees à Vvittemberg par Tho-
mas Klug l'an 1557. fueill. 335. li. 13. dit, Que le
Diable est auyheur de l'heresse des Sacramentaires, &

au fucill. 381. vers. fac. lig. 44. du mesme To
 7. Je veux bien (dict Luther) les prier en amy &
 milierement, qu'il ne me sçachent mauuais gré, de
 que ie condamne leur doctrine & l'attribue au Diable
 car ie ne puis faire ny parler autrement que ce que i'ay
 sur le cœur & que ie crois.

Voila la condamnation que faict Luther, te-
 nant les Caluinistes & autres Sacramentaires
 pour hereticques damnez, & adiuge leur do-
 &trine au Diable.

*Quel rang tient Luther parmy les Caluinistes
 selon l'attestation de Calvin.*

CHAP. X.

P Este à scauoir qui est ce Luther, & quel
 poids il doibt auoir en leur endroit.

Caluin au nom de tous les Ministres le decla-
 re, ne voulant point que les Papistes en soient
 en doute ny entrent en coniecture douteuse.
 C'est au traicté qu'il a faict contre vn Docteur
 nommé Pigius, touchant le franc arbitre, qui
 est parmy les opusculs Françoises imprimeés à
 Geneue in fol. par Baptiste Pinereul 1566.

Touchant la personne de Luther (dit-il) il ne faut
 point que (Pigius) entre en quelque coniecture douteu-
 se, veu qu'encores maintenant, comme par cy deuant,
 nous declarons expressement que nous le tenons pour vn
 EXCELLENT APOSTRE DE CHRIST
 PAR LE LABEUR ET MINISTERE
 DVQUEL SUR TOVS AUTRES LS

PURITE DE L'EVANGILE & ESTE
REMISE SVS DE NOSTRE TEMPS,
Notez que Calvin au nom de tous les ministres
declare expressement, (comme s'il auoit receu
procuracion d'eux tous) qu'ilz tiennent Luther
pour vn Apostre, non tel quel ny abusue-
ment Apostre: mais Apostre excellent de Iesus-
Christ, & ne veut point que les Papistes entrent
en coniecture de cela, comme le reuocquant
en doubte. Paroles qui doiuent auoir tel-
le emphase, que si Luther est vn excellent Apo-
stre de Christ, il s'ensuit qu'il a esté conforme à
l'escripture, & n'auroit eu garde de condamner
pour hereticque vne doctrine qui seroit insti-
tuee de Iesus Christ, à ce qu'un Ministre ne
pése s'eschapper, disant qu'il recognoist Luther
excellent Apostre de Iesus-Christ, en tant qu'il
est cōforme à l'escripture, de peur qu'il n'ouure,
en ce faisant, la porte à vn escrit broüillō de sou-
stenir le semblable des vrais Apostres de Iesus-
Christ comme vn S. Paul, qu'il diroit estre hom-
me, auoir peu errer, & se departir de la parole
de Dieu.

Beze aussi en sō liure des heretiques punissables
par le Magistrat Ciuil pag. 148. lig 27. *Martinus
Lutherus Christiana Religionis instaurator*. C'est à di-
re *Martin Luther restaurateur de la Religion Chré-
stienne*. Voulant à ce compte que toute la reli-
gion Chrestienne ait esté renuersee iusques à ce
que Luther soit venu pour la restaurer, comme
vn autre Zorobabel le temple de Hierusalem en
Iudee.

Autre argument pour condamner les pretendus d'heresie.

CHAP. XI.

DE ces tesmoins l'on en peut tirer ce Syllogisme condamnant nos pretendus reformez de France, d'heresie.

Toute doctrine condannee pour heretique & sortie du diable par vn excellent Apostre de Iesus-Christ, & restaurateur de la Religion Chrestienne, doit par les autres Chrestiens estre tenue en ceste qualite, & ceux qui la suivent en estat de perdition:

Or est il que la doctrine des pretendus (niant le vray & naturel corps de Iesus Christ estre receu au sacrement del'Eucharistie par la bouche tant des bons que des mauuais) est condannee par Luther, declare par Calvin au nom de tous les Ministres, pour excellent Apostre de Iesus-Christ, pour heretique & sortie du Diabla

Dont il s'ensuit que nous deuons tenir leur doctrine en ceste qualite d'heretique & sortie du Diable, & ceux qui la suivent en estat de perdition.

Contre la repartie ordinaire des Ministres qui rejettent tous leurs docteurs pour se tapir dans le giste de leur esprit particulier.

CHAP. XII.

SI vn Ministre là dessus repart, qu'il ne croit ny Luther, ny Calvin, ny Beze, ny tous les do-

16
cteurs sinon en tant qu'il les trouuerra confor-
mes à l'Escripture ; C'est reuenir à mon but, qu'il
rejette ses propres docteurs pour se muser dans
les tenebres de son esprit particulier, se rendant
iuge de ses iuges, & docteur de ses docteurs, &
s'oblige de monstrier dans l'Escripture des pro-
positions contradictoires de celles qui sont at-
testees par ces grandes lumieres de son party,
Caluin & Beze ; monstrier dis-je celles cy en ter-
mes expres, dans l'Escripture, à sçauoir que Lu-
ther n'est pas vn excellent Apostre de Christ ;
qu'il n'est pas restaurateur de la Religion Chre-
stienne ; Car Caluin & Beze ont pretendu se
conformer à l'Escripture, donnant telle attesta-
tion en faueur de Luther ; Item que ledict Lu-
ther n'entend pas bien l'Escripture ; laquelle il
prend à guarend pour appliquer les passages de
Saint Paul à Tite & saint Matth. 18. d'où il
infere qu'il faut fuir les Caluinistes, comme he-
retiques & damnez eternellement. Ou ie luy
demanderay pourquoy croiray-je plustost à luy
rejetant ses propres docteurs, & lesquels il ne
deuroit ainsi condamner ; de peur ce faisant de
censurer S. Paul qui nous r'enuoye aux vrais
Pasteurs que Dieu a mis en son Eglise pour nous
garentir de la piperie des hommes. Ce qui se-
roit formellement combattre l'Escripture, qui
nous r'enuoye à cet ordre estably par Iesus-
Christ, ou aduoüer que son Eglise n'est la vraye,
pour estre destituee de vrais Pasteurs & confor-
mes à la parole de Dieu, auxquels l'Escripture
nous astraint pour n'estre flottans à tout vent de
doctrines.) Pourquoy dis-je adiousteray-je plu-

stost foy à luy qui paroist n'auoir pour appuy
que l'inconstante volubilité de sa propre cer-
uelle qu'il oppose pour toute raison à l'authori-
té de ses maistres, Calvin & Beze, qui qualifient
Luther de titres si excellents : Iusques-là que ce
dernier à sçauoir Beze soustiét en son traitté de
la Toute presence de la Chair de Christ cõtre Brenee,
qui est parmy ses traictez theologiques latins;
imprimez à Gen. par Iean Crespin 1570. *Lequel
Luther a vrayement este vn personnage admirable en
nos iours, & auquel celuy QVINE SENT L'ESPRIT
DE DIEV NE SENT RIEN.*

*Dilemme fort pressant pour refuter vn Ministre
reiettant l'authõrite de Luther.*

CHAP. XIII.

¶ Vrquoy ie propose à tout Ministre pour ac-
cuser cariaistre qu'il puisse estré ce Dilemme, c'est
à sçauoir : Ou qu'il recognoist en Luther vrayement
l'Esprit de Dieu, ou bien il ne le recognoist pas.

*S'il dit qu'il le recognoist : Puis qu'un si grand
personnage, doué, (au dire de Beze). de l'Esprit
de Dieu. condamne pour heretique les Calvinistes, &
tous les Sacramentaires, appuyé dit il sur le pas-
sage de Tite & de saint Mathieu qui nous obli-
ge de fuir l'heretique; Donc nous deuons les tenir en
ceste qualité & comme tels les fuir.*

*Si le ministre diét qu'il ne recognoist pas l'Esprit de
Dieu en Luther. Il faut dit Beze que nous
tenions ce ministre-là pour vn punais qui ne
sçait*

17
sait sentir ny flairer où et le vray Esprit de
Dieu : Et vn ministre si peu versé en la cognois-
sance & discernement du vray Esprit de Dieu:
Quel espoir puis-je auoir qu'il ne me trompe en
exposant l'Escripture, luy qui n'a pas atteint la
premiere condition que l'Escripture demande
pour se rendre hoste du S. Esprit, qui est l'humili-
té (*Esay. 66. vers. 2. & Matth. 23. vers. 29.*) Ainsi
qui paroist si présomptueux que de iuger &
condamner celuy que les plus habiles de son
party tiennent pour excellent Apostre de Christ,
restaurateur de la Religion Chrestienne, fonda-
teur & Pedagogue de ce branslant party ; *De l'Es-
tole duquel* (dit du Plessis au chap. 11. de son traité
de l'Eglise ;) *les autres ministres sont sortis.* Et s'il est
permis à vn ieune ministre d'ainsi censurer vn
tel personnage qualifié de titres si excellents,
Que fera-on si la quinte le prend de dire le sem-
blable de S. Paul & autres, ne voulant admet-
tre leur doctrine qu'en tant qu'il la trouuera si
conforme à son humeur, qu'il qualifiera du ti-
tre de parole de Dieu ? Par quel moyen est-ce
qu'un autre ministre de mesmes party le pourra
conuaincre & refuter ? Car tout ainsi que du
temps des Apostres, si vn pasteur ordinaire ou
quelque Chrestien particulier eust refusé de
croire ou suivre vn Apostre, discernant ou ex-
pliquant l'Escripture, il eust merité iustement
Anatheme, quand mesme il eust esté enseigné
par vn Ange. De mesme puis que Luther (ce
Luther qui a receu disent ils) les premices de
l'Esprit de reformation, Luther tenu pour ex-
cellent Apostre de Christ, Restaurateur de la

Religion Chrestienne, Luther pour qui les ministres modernes ont iugé contre l'Eglise Romaine, auoir tellement l'Esprit de Dieu que quiconque d'eux ne l'y remarque doit estre tenu pour punays, Luther enfin à qui ils attribuent vn enuoy Apostolique pour ruiner le pretendu Anti-Christ, & redresser l'Eglise de nouveau) & Luther, dis-je, prononce Anatheme contr'eux, leur foy & Eglise; Ne s'ensuit il pas qu'ils sont condamnez par celuy que leur propre iugement a esleué par dessus tout le monde, & par dessus eux mesmes, suiuant ce que Calvin disoit tantost, *Par le labour & ministration duquel SUR TOUS AUTRES la pureté de l'Evangile a esté remise sus de nostre temps.*

Et par ainsi il faut que reciproquement ils prononcent Anatheme contre luy, contre son Eglise & contre son Anatheme. De façon que celuy qui est condamné par eux d'Anatheme & d'infidelité, est (disent-ils) extraordinairement enuoyé de Dieu, c'est Luther, & celuy qui le iuge & condamne sera pour exemple du Moulin, Vigner & autre Ministre, qui n'est enuoyé en ce temps que d'une façon ordinaire, laquelle encores a son cours & son principe dans l'enuoy extraordinaire de cet homme miraculeusement donné de Dieu (ainsi que les Ministres, avec leur du Plessis, se voyans presseés sur leur mission, recourent à celle de Luther & autres, suscitez (disent-ils) en l'art. 31. de leur confession de foy, d'une façon extraordinaire pour redresser l'Eglise de nouveau) lequel ce nonobstant eux mesmes condamnent d'heresie & d'aveuglement en la foy,

qui est vne façon bien estrange & procedure fort extraordinaire, contre toute escripture sainte & pratique de la vraye Eglise.

18

Et pource ie concluds avec meilleure raison que par les propres docteurs de ceste Religion pretenduë nous les deuons tenir pour heretiques, & en estat de damnation, s'ils ne sortent d'un labirynthe si dommageable, & pernicieux à leur salut, tant s'en faut que nous deuons tenir leur Eglise pour conforme à l'Escriture.

Troisiesme argument pour condamner ceste Eglise pretendue reformee de France, pour heretique & contraire à la parole de Dieu.

CHAP. XIV.

E'Est ce que ie veux de surcroist prouuer par ce 3. argument, Toute Eglise portant marque du tout contraire à celle de Iesus-Christ & des Apostres: doit estre par les vrais Chrestiens reiettee pour faulse, repugnante à l'escriture, & conduisante à perdition.

Or l'Eglise des pretendus reformez en France est telle.

Donc il faut que tous vrais Chrestiens la rejettent comme repugnante à l'escriture, & en estat de perdition.

La Maieure est infallible, la Mineure le prouue.

Vne des marques de la Religion de Iesus-Christ & des Apostres est d'annoncer mesme doctrine sans debat & contention es points fondamentaux de la foy.

Or ceste Religion pretenduë reformee n'enseigne mes,

*me doctrine sans debat és poincts fondamentaux de la
foy (comme i'ay monstré en ce que Beze defini-
sant les Eglises estre celles qui embrassent les
trois confessions de Euther, de Zuingle, & de
Caluin, cependant ils s'entrecondamnent pour
hereticques & damnez ez poincts fondamen-
taux de salut.*

*Dont il s'ensuit que ceste leur Religion ne peut estre te-
nuë pour celle de Iesus-Christ, ains doit estre reiettee
comme hereticque & conduisante à perdition.*

*Contre les reproches que voudroit faire vn
Ministre recusant l'authorité de
ce Lutherien.*

CHAPP. XV.

ET par ce qu'un Ministre (à l'imitation du
chien qui court apres la pierre qu'on luy
iette, & nō pas à la personne qui luy lance) vou-
droit paradventure s'en prendre, non à la Re-
ligion qui le condamne si criminellement : ains
à ce docteur Lutherien Schlussemburgius, qui
n'en est que le simple rapporteur & tesmoing
tres-fidelle, pour taxer cet Auteur. ou de ma-
lice ou d'ignorance de la croyance Caluiniste,
qu'un tel sache, qu'outre ce qu'il me sera tres-
aisé de mettre en ieu vne infinité d'autres pas-
sages prins des Lutheriens en corps, & que ce-
stui-cy prendra tesmoin & Luther & ses autres
docteurs. Outre cela, dis-je, voicy vn bel aduis
qu'il luy presente en sa preface apologetique cy

Iesus alleguee pag. 24. lig. 10. Les Calvinistes turbulent, dit-il, se plaignent en plusieurs escripts de nous autres Lutheriens, que nous ne lisons pas leurs liures. Car ils se vantent qu'en iceux se trouue l'asseuree verité: Mais quāt à moy i'ay par la grace & benignité de Dieu & releu plus de deux cents & vingt escripts des Sacramentaires, tant Latins qu'Allemāds, avec la crainte du Seigneur (cela monstre que ce n'est avec passion) par l'espace de vingt & trois ans entiers, (c'est pour y estre bien sçauant.) mais quel fruit as-tu recueilly de ceste lecture? Et certes ie dis la verité, en Iesus Christ, veritable & tout puissant, & tout sçauant, Que ie n'ay rien sceu trouuer de ferme & solide es liures de tous les Sacramentaires, en quoy mon esprit & ma conscience ayent peu se reposer, ie n'y ay rencontré nulle consolation certaine.

MAIS DES BLASPHEMES, DES SABLETEZ, DES INIVRES, DES MENSONGES, DES CALOMNIES, DES CONTRADICTIONS & DES ERREURS, I'Y AY TROUVE' DES CHARETEES TOVTES ENTIERES, & LESQUELLES CHOSES SEVLES TESMOIGNENT QUE LES CALVINISTES NE SONT PAS GOVERNEZ DV BON ESPRIT. Voyla vn estrange tesmoignage rapporté par ce confrere Lutherien: bastant à toute ame voidé de passion, à faire recognoistre combien ceste Religion pretendüe reformee en France, est eslongnee de tenir le vray chemin de verité,

Offre du mesme Lutherien aux Ministres, Calvinistes d'Anuers.

CHAP. XVI.

NOn moins estrange, est ce que rapporte le
 même autheur au 1. liu. de sa Theol. des
 Calui. Met. 17. fueil. 57. à lig. 21. *Il ne faut point
 adjoûter (dit il,) en ce lieu plus grand nombre de tes-
 moignages : Car enuers les Zuingliens & Caluini-
 stes obstinez, nulles admonitions ny obiections qu'on
 leur puisse faire n'ont point de lieu. Comme ie pres-
 chois publiquement (poursuit-il) à Anuers au
 temple de la facon de la parole de Dieu (dittes l'here-
 sie de Luther) ie me suis quelquefois étudié, de faire
 sçauoir aux Calvinistes seducteurs de l'Eglise de Dieu
 (ainsi nomme il les pretendus reformés) qui
 estoient là par l'entremise de leurs auditeurs, & par
 quelques vns de nostre Eglise QUE IE PROVVVERAY
 EN VNE PROPOSABLE MODESTE, ET AMIABLE
 conferēce que j'aurois avec eux, par les escrits de Calvin,
 Beze & Martin Bucer, que les ministres Zuingliens
 d'Anuers, SONT HERETICQUES ET FAVX DO-
 CTEURS, j'enuoyay aussi à Gaspar, Payen de nom &
 d'effect, qui est leur principal docteur, & jadis sauetier,
 vn escrit particulier, dans lequel ie l'ay accusé & con-
 uaincu de plusieurs ERREURS BLASPHEMATOI-
 RES, TIREZ DES ESCRIPTS PVBLIQUES DES SA-
 CRAMENTAIRES seditieux, & n'ont sçeu respondre vn
 seul mot, autres faulses opinions & dogmes que ie leur
 ay reprochees.*

Auisez ames candides combien est puissante
la force & verité de l'Eglise Catholique, qui cō-
trainct ainsi les aduersaires de se debeller &
couper la gorge les vns aux autres, & si ce Lu-
therien protestant mesme Reformation à peu
faire cēt offre aux Calvinistes, combien aurons-
nous plus de moyen de les faire cōdamner pour
heretiques, par ce qu'il y à de plus releué dans
ce branslant party, qu'il n'est basté que sur vne
entremengerie & confusion Babylonique, &
nullement sur la parolle de Dieu, pour y trou-
uer l'vnité conjointe avec la vraye & pure do-
ctrine conduisante au vray repos & salut.

F I N.

NOus soubſignez de lordre des Peres Capucins teſti-
fions Auoir veu & leu le preſent liure Intitulé le pe-
tit Anti-huguenot &c. Compoſé par le R. P. Ange de
Raconis predicateur Capucin, auquel Non ſeulement n'a-
uons rien trouué qui ne ſoit conforme à la doctrine de l'E-
gliſe Catholique Apoſtolique & Romaine, ains Au con-
traire vne Methode tres-preſſante & Energique pour faire
Reconnoiſtre Aux deuoyez, la tromperie & Inconſtance
de leur Religion & les Reunir au Giron de l'Egliſe, en teſ-
moins de quoy Nous auons cy appoſé Noſtre ſainct Ma-
nuel, faiſt A Paris ce 13. Ianuier 1618.

F. Henry de la granges Predicateur Capucin
F. Paſchal d'Able Predicateur Capucin.

NOus ſoubſignez Docteurs en Theologie certiſions
auoir veu & diligemment leu ce petit traicte Intitu-
lé le petit Anti-huguenot. &c. Compoſé par le R. P.
Ange de Raconis Predicateur Capucin & N'y auoir rien
trouué qui ne ſoit conforme a la doctrine de l'Egliſe Ca-
tholique Apoſtolique & Romaine ains tres digne d'eſtre
mis en lumiere, faiſt à Paris ce 15. Ianuier 1618.

*G. Iacques, Docteur de la Faculté de Theo-
logie à Caen.*
Denis Docteur Regent.

